

ԴՊՐՈՑԱԿԱՆՆԵՐԻ ԱՌԱՐԿԱՅԱԿԱՆ ՕԼԻՄՊԻԱԴԱ

ՄԱՐԶԱՅԻՆ ՓՈՒԼ

ՀԱՅՈՑ ԼԵԶՈՒ-2017

9-րդ դասարան

Տևողությունը 150 րոպե

Ա. Աշխատանք բնագրով:

Արտեմիդայի արձանը կառուցելիս հիմնականում օգտագործել են սպիտակ մարմար, որը կարծես միաձուլվում է ծովի, կանաչի և երկնքի լազուրի հետ: Ձեռունը պատված էր մարմարիոնե սալիկներով: Սյուների մույթերը նախշագարդ էին: Տաճարի կենտրոնում գտնվում էր Արտեմիդայի արձանը: Դիցուհու չքնաղ դեմքը, սլացիկ ձեռքերը, ոտքերը քանդակված էին լիբանանյան մայրի փայտից: Հանդերձը զարդարված էր երփներանգ քարերով՝ հակինթ, սադափ, շափյուղա:

Աշխարհի բոլոր ծագերից մարդիկ գալիս էին Եփեսոս՝ տեսնելու Արտեմիդայի վեհասրանչ տաճարը, բայց ,ավա՛ղ, նրա փառքը հելլենական աշխարհում հավերժ չփայլեց. այն կանգուն մնաց ընդամենը չորս հարյուր տարի: Ք.ա. 356-թ. հուլիսի 21-ին այրվեց այդ վեհասրանչ տաճարը: Եփեսոսի բնակիչները կեսգիշերին սարսափահար ու սահմոկած տեսան՝ ինչպես կրակի բոցերը ծառս էին լինում դեպի վեր, հեղձուցիչ ծուխը խուժում էր ամենուր: Հավաքված խուժանը հասկացավ՝ մի աններելի ոճիր է կատարվել. հրդեհվել է Արտեմիդայի վահաշուք տաճարը: Եփեսոսցիների բոլոր ճիգերը ի դերն ելան: Տաճարը դարձավ հրո ճարակ:

1.Գրե՛ք՝ ինչ գիտեք Արտեմիդայի արձանի մասին: (3 միավոր)

2.Գրե՛ք **ձեռուն, մույթ , սահմոկել, ոճիր, լազուր** բառերի հոմանիշները: (2 միավոր)

3.Գրե՛ք **ծագ, հակինթ, ճարակ, կանգուն, մայրի** բառերի համանունական շարքերը և բացատրե՛ք իմաստները: (2 միավոր)

4.Նշե՛ք՝ որտեղից է առաջացել **խուժան** բառը և բացատրե՛ք իմաստը: (2 միավոր)

5.Գրե՛ք՝ որ պետության հին անվանումից է կազմված **հելլենական** բառը: Այդ բառի արմատով գրե՛ք առնվազն երեք բառ: (2 միավոր)

6. Տեքստից դո՛ւրս գրեք այն բառերը, որոնցում գրաբարյան հոգնակերտ մասնիկը վերածվել է ածանցի: (1.5 միավոր)

7. Գրե՛ք **ծառս լինել** դարձվածքի իմաստը և նշե՛ք՝ տեքստում ինչ իմաստով է այն գործածված: (1.5 միավոր)

8.Տեքստից դո՛ւրս գրեք այն նախադասությունը, որի մեջ բույթը դրված է շաղկապի զեղչման տեղում: (1 միավոր)

Բ. Շարադրություն՝ «Ամնացորդ նվիրվածություն » վերնագրով (երկու էջի սահմաններում): (5 միավոր)